



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Wolcvino Magistro & fratribus militiæ Christi in Livonia constitutis.

urn:nbn:de:hbz:466:1-20020

ratiorem suum probare volentis litteras ipsas fuisse per mendacium impetratas, post appellationem ab eodem procuratore ad nostram audientiam interpositam, lite non contestata, pro sepedicto B. temerariam sententiam promulgavit, praeципiens eam per Abbatem Nonantulanum & quosdam alios executioni mandari. Et licet idem Abbas appellationem suam postmodum prosecutus, ad Abbatem sancti Michaelis apostolicas litteras obtinuerit, super ea nihilominus tamen prefatus B. ipsum non desit per quasdam litteras molestare quas super confirmatione prelibate sententiae se à nobis obtinuisse dicebat. Quapropter ad presentiam nostram memoratus Iohannes Abbas accedens, non tam sibi quām commissa sibi Ecclesie petitui provideri, quæ hujus occasionis praetextu graviter laesa est & gravius laedenda timetur. Volentes igitur indemnitatii & paci ejus, sicut tenemur, adesse, discretione veltræ per apostolica scripta praecipiendo mandamus quatinus inquisita & cognita veritate, si dictum B. taliter abbatis ipsi renuntiasse constiterit, revocantes in irritum quicquid per litteras per ipsum vel pro ipso subreptas invenieritis attentatum, silentium super hoc ei perpetuum imponatis, & pro eo quod abusus gratia sibi facta, repetendo improbe prælaturam cui spontaneè resigñarat, Ecclesiam suam enormiter affteritur offendisse, compellatis eundem, præbenda & Capella memorata dimissa, vacare arctius regularibus disciplinis, ac prædictum Abbatem administrationis & loci sui faciat pacifica possessione gaudere; contradictores, si qui fuerint, vel rebelles per censuram ecclesiasticam appellatione postposita compescentes. Quod si non omnes &c. duo veltrum ea &c. Datum Laterani 111. Idus Octobris, anno tertio decimo.

AL. RIGENSI EPISCOPO.

D. 141.
Codicinar
quidam com-
pletio.

CVM inter te ac fratres militiae Christi super forte terrarum quæ per gratiam sancti spiritus nuper sunt ad cultum fidei Christianæ converse sub examine nostro controversia verteretur, mediantibus demum nobis ad hanc concordiam devenisti, ut videlicet ipsi fratres tertiam partem earundem terrarum, Lectione scilicet ac Livonie, teneant à Rigeni Episcopo, nullum sibi ex ea temporale servitium præstatori nisi quod ad defensionem Ecclesie ac provincie perpetuo contra paganos intendent, verum magister eorum qui pro tempore fuerit obedientiam semper Ri-

gensi Episcopo reprobaret, sed fratres aut Clerici qui eis spiritualia ministrabunt, nec decimas nec primicias nec oblationes nec cathedricum ei solvent, coloni vero prædictæ fortis, de parte proventuum ad ipsos spectante decimas Ecclesie suis reddent, de quibus quarta pars eidem Episcopo persolverur, nisi hoc idem Episcopus, inspecta necessaria & rationabilis causa, sponte duxerit remittendum, ipsi autem fratres & successores eorum jus habebunt ad præfatas Ecclesias, cum vacavereint, Rigeni Episcopo personas idoneas præsentandi, quas ipse de cura investire non differet animarum. Ceterum cum tu ac tuorum quilibet successorum ipsos duixeritis visitandos, in domo sua cum viginti evenientibus semel vos procurabunt in anno; in plebatibus autem suis bis in anno vos exhibere curabunt. De terris vero quas amodo extra Livonię seu Lectionem cum auxilio Dei dicti fratres acquirent, Rigeni Episcopo minimè respondebunt, nec ipse de illis eos aliquatenus molestabit, sed cum Episcopis creandas ibidem quoquo rationabili modo component, vel observabunt quod apostolica sedes super hoc prouiderit statuendum. Regulam quoque fratribus militie Templi servantes, aliud in habitu signum præferent, ut ostendant se illis nequaquam esse subiectos. Sepulturam quoque ad opus fratribus & familia sue, necnon etiam & eorum qui apud ipsos elegerint sepeliri, liberam prædicti fratres habebunt, salva canonica portione ipsarum Ecclesiarum à quibus afflumuntur corpora mortuorum. Nos igitur compositionem approbantes eandem, ipsam auctoritate apostolica confirmamus & presentis scripti patrocinio communimus. Nulli ergo &c. nostræ confirmationis &c. usque incursum. Datum Laterani 111. Kalen. Novembris, pontificatus nostri anno tertio decimo.

WOLCVINO MAGISTRO
& fratribus militie Christi in Livonia
constitutis.

CVM super forte terrarum &c. ut in Epist. 142. alia usque conversas inter vos & venerabilem fratrem nostrum Rigensem Episcopum sub examine nostro controversia verteretur, mediantibus demum nobis ad hanc concordiam devenisti, ut vide- licet vos tertiam partem earundem terra- rum, Lectione scilicet ac Livonie, ab eodem Episcopo teneatis, nullum sibi &c. ut in alia usque provincie contra paganos

perpetuò intendetis. Verùm magister ves-
ter qui pro tempore fuerit &c. ut in alia
per totum usque duxerit remittendum. Vos
autem & successores vestri jus habebitis ad
Ecclesias ipsas vacantes Rigeni Episcopo
personas idoneas præsentandi, quas ipse de
cura investire non differet animarum. Ce-
terum cùm ipse vos duxerit visitandos, in
domo vestra cum viginti evectionibus se-
mel in anno eundem curabitis procurare;
in plebatibus autem vestris eum exhibe-
bitis bis in anno. De terris verò quas amodo
extra Livoniam seu Lectiam cum Dei au-
xilio acquireris Rigeni Episcopo minimè
respondebitis &c. in eundem fere modum ut
in alia usque in finem. Datum ut in alia per
totum.

MAGISTRO ET FRATRIBVS
militie Templi.

Epiſt. 143.
Confirma-
tio-
nē
Eccl. da-
ta à Legato.

CVm à nobis petitur quod justum est
& honestum, tam vigor æquitatis
quam ordo exigit rationis ut id per solli-
citudinem officij nostri ad debitum perduca-
tur effectum. Eapropter, dilecti in Domi-
no filij, vestris justis petitionibus annuen-
tes, Ecclesiam sanctæ Luciae quæ Fotae
Græco vocabulo nuncupatur, extra The-
barum positam civitatem, cum pertinen-
tiis suis, quam dilectus filius noster Bene-
dictus tituli sanctæ Susannæ Presbyter Car-
dinalis, tunc apostolicae sedis Legatus in
partibus Romaniae, vobis ad terræ sanctæ
subventionem liberaliter assignavit, sicut
eam justè ac pacificè possidetis, vobis &
per vos domui vestre auctoritate apostolica
confirmamus & præsentis scripti patro-
cinio communimus. Nulli ergo &c. nostræ
confirmationis &c. usque incursum. Da-
tum Laterani x v. Kal. Octobris, pontifi-
catus nostri anno tertio decimo.

E I S D E M.

Epiſt. 144.
Confirma-
tio-
nē
diver-
sas polle-
fiones.

I Vltis petentium desideriis dignum est
nos facilem præbère consensum, & vo-
ta quæ à rationis tramite non discordant
effectu prosequente complere. Eapropter,
dilecti in Domino filij, vestris justis postlu-
tionibus inclinati, concessionem terræ
de Rupo & Iohannis filij Nicolai de Vianet
cum fratribus & sororibus suis ac possesso-
nibus & rebus aliis eorundem à nobilibus
viris Rolandino de Canusa & Albertino
germano ejus necnon à bonæ memorie
Hugone de Colongi vobis factam intuitu
pietatis, sicut piè ac providè facta est,
auctoritate apostolica confirmamus & præ-
sentis scripti patrocinio communimus. Nul-

li ergo &c. nostræ confirmationis &c. usque
incursum. Datum ut in alia per totum.

E I S D E M.

A Nnuere consuevit sedes apostolica
piis votis, & honestis petentium pre-
cibus favorem benivolum impertiri. Ea-
propter, dilecti in Domino filij, vestris ju-
stis postulationibus grato concurrentes af-
fensi, domum Philocali apud Thessalonici-
cam cùm pertinentiis suis, quam dilectus
filius noster Benedictus tituli sanctæ Susan-
nae Presbyter Cardinalis, tunc apostolica
sedis Legatus in partibus Romaniae, vobis
ad terræ sanctæ subventionem liberaliter
assignavit, sicut eam justè ac pacificè pos-
sideritis, vobis & per vos domui vestre au-
toritate apostolica confirmamus & presen-
tis scripti patrocinio communimus. Nulli
ergo &c. nostræ confirmationis &c. usque
incursum. Datum ut in alia per totum.

E I S D E M.

S Olet annuere sedes apostolica &c. Ea-
propter, dilecti in Domino filij, ves-
tris justis postulationibus annuentes, do-
mum Nigripontis cùm his quæ habet in
Nigroponte, & domum de Lagera, &
cafale de Oizparis, cum eorum pertinen-
tiis, ac alia quæ tenetis in insula Nigripo-
nte, à nobili viro Ravano & bona memori
Iacobo de Avenn. & Guberto vobis pa-
devotione concessa, sicut ea omnia justè
ac pacificè possidetis, vobis & per vos do-
mui vestre auctoritate apostolica confir-
mamus & præsentis scripti patrocinio com-
munimus. Nulli ergo omnino &c. hanc pa-
ginam nostræ confirmationis &c. usque in-
cursum. Datum ut in alia per totum.

F R A T R I B V S M I L I T I A E
Templi in Romania.

I Vltis petentium desideriis &c. Eapro-
pter, dilecti in Domino filij, vestris ju-
stis precibus inclinati, viridarium quod est
à bonæ memorie Thebano Archiepisco-
po, tunc electo, pia vobis devotione con-
cessum, sicut illud justè ac pacificè possi-
detis, vobis & per vos domui vestre au-
toritate apostolica confirmamus & præsen-
tis scripti patrocinio communimus. Nulli er-
go &c. nostræ confirmationis &c. usque in-
cursum. Datum ut in alia per totum.



EISDEM